



O aber xantus vß gieng von seinem hause spaciret er auff vnd ab an der kaufleute marckte vñ er sach die zwene wol gestalten iungling vnd zwischen in esopum ston vnd het wunder ab der thorheit des kauffmans das er die vngestalt zwischen die güte hette gestellet vnd gieng zü dem eyne vnd sprach von was landes bistu. Er antwurtet vnd sprach. Ich byn von capadocia geboren. Do sprach aber xantus. was kanstu schaffen. Antwurtet er alles das du wilt. do das esopus höret wurde er gar ser lachen. Die schüler die do mit xanto da hin warent komen als sy sachend esopum so sere lachen. vnd in dem lachen die zene also emplecken. beduchte sy eyn metwunder nicht einen menschen ansechen vnd. sprachen vnd in selber wie hat dießer zen in sinem backen Der ander sprach was mag er gesehen haben das er so ynnes / klichen lachet Aber ein ander sprach ach lieber er lachet nichtes er zan klaperot vor keltij wir wöllen in fragen. Also gienge einer zü esopo vnd sprach zü im ach du mein schöner knabe sag mir war umb hastu so innerlichen gelachet. Sprach Esopus du heuler. Do sprach er was heulers byn ich. Esopus sprach. Gee an den galgen du wüßte saw. der schüler schlich als bald schamrot vnd still von dannen. furbas sprach xantus zü dem kauffman wie achtest du den harffenschlaher. Antwurtet der kauffmā vmb tausend pffenning das beducht xantum zeuil sein vnd ging zü dem andern vnd sprach von wannen bistu Antwurtet er ich byn von lidia. xantus sprach was kanstu aber wircken. antwurtet er was du meifest do das Esopus höret wurde er aber über sere lachen. Do das die schüler ersachen sprachend sy Wie kumpt es der lachet zü allen dingen do sprache der eyne zü dem anderen wiltu eyn stinkender bock geheissen werden. so frage in war vmb er lache xantus fraget den kauffman wie er den gramaticum geb der antwurtet vmb drey tausant pffenning. Dar vber schweig xantus vnd trat hindersich hinwege. Do sprachend die schüler zü xanto vnser gebieter vnd meyster dyse knechte gefallend dyr mit antwurtet xantus. Ja sy gefallend mir wol. es ist eyn gesatze in vnser stat. das niemant keynen eygenen menschen so teür sol kauffen welcher das vber füre der wurde hart gestraffet do sprach eyn schüler. herze gebpeter. so du danne nach deme gesatze die schönen mit kauffen machst so kauffe den des gleichen in vngestalte miendert ist der wirt dir gleich so woll dyenen las dyse. so wollennd wir das gelt vmb yn betzalen das were vngehör sprach xantus so ist auch mein weib so zarte das ir kein dienst von eym solchen knechte empfanglich were do sprachen dye schüler meister du hast mancherley geschrefftes darinn deyn weib.